

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

2/2001

2.3.2001.godine

SLUŽBENI GLASNIK IZDAJE:

Služba Općinskog vijeća / Općinskog
načelnika i službi za upravu

ODGOVORNI UREDNIK:

Harudin Katardžić dipl. pravnik

I – AKTI OPĆINSKOG VIJEĆA

Na osnovu člana 111., a u vezi sa članom 105. i 110. Zakona o prostornom uređenju ("Službeni list SR BiH", broj 9/87; 23/88; 24/89; 10/90; 14/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići, na svojoj 12. sjednici održanoj 28.2.2001. godine, donijelo je

ODLUKU

o izmjenama Urbanističkog plana grada Zavidovića

Član 1.

Urbanistički plan grada Zavidovića ("Službeni glasnik Općine Zavidovići", broj 9/89) mijenja se tako što se planom predviđena namjena prostora za kolektivno stanovanje određuje kao zona individualnog stanovanja na dijelu zemljišta omeđenog sa južne strane ul. Zlatnih ljiljana, sa sjeverne strane rijekom Bosnom, sa istočne strane naseljem Gvozdeni most, sa zapadne strane rasadnikom IP "Krivaja", kao i na parceli označenoj sa k.č. 1574 K.O. Zavidovići P.L. br. 488.

Član 2.

Ova odluka stupa na snagu danom donošenja i bit će objavljena u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

Broj: 01-23-3669
Dana, 28.2.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 110. Zakona o prostornom uređenju ("Službeni list SR BiH", broj 9/87; 23/88; 24/89; 10/90; 14/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići, na svojoj 12.sjednici održanoj 28.2.2001.godine, donijelo je

O D L U K U

o provođenju izmjene Urbanističkog plana grada Zavidovići

Član 1.

Odlukom o provođenju Odluke o izmjenama Urbanističkog plana utvrđuju se granice obuhvata područja nove zone individualnog stanovanja, a radi usklađivanja potreba stanovništva za stanovanjem, skladnog razvoja svih dijelova naselja grada Zavidovića, i to kako slijedi: Namjena se mijenja na površini omeđenoj međom između parcela k.č. 1578 i 1579/1 zatim ide sjevernom međom između parcela k.č. 1579/1; 1580/2; 1580/1; 1581; 1582; 1585; 1587; 1588; 1593; 1594; 1598 gdje granična linija skreće u pravcu juga i ide međom između parcela k.č. 1670/1 i k.č. 1599/3; 1599/2; 1599/1 i 1598, a sve K.O. Zavidovići. Sa južne strane granica površine ide bankinom ulice Zlatnih ljljana čime se zatvara površina.

Namjena se mijenja i na parceli k.č. 1574 K.O. Zavidovići.

Član 2.

Zadužuje se nadležna služba u Općini da u grafičkom prilogu urbanističkog plana izvrši promjenu u skladu sa članom 1. ove odluke.

Član 3.

Ova odluka stupa na snagu danom donošenja i bit će objavljena u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-23-3668
Dana, 28.2.2001.godine

Fuad Berberović, s.r.

Na osnovu člana 111., a u vezi sa članom 105. i 110. Zakona o prostornom uređenju ("Službeni list SR BiH", broj 9/87; 23/88; 24/89; 10/90; 14/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići, na svojoj 12. sjednici održanoj 28.2.2001. godine, donijelo je

O D L U K U

o izmjenama Urbanističkog plana grada Zavidovića

Član 1.

Urbanistički plan grada Zavidovića ("Službeni glasnik Općine Zavidovići", broj 9/89) mijenja se tako što se planom predviđena namjena prostora za kolektivno stanovanje određuje kao zona individualnog stanovanja na dijelu zemljišta omeđenog rijekama Gostović, Bosna i granicom sa "rasadnikom" korisnika IP "Krivaja" Zavidovići, južnu stranu omeđuje ul. Zlatnih ljiljana sve do mosta na rijeci Gostović.

Član 2.

Ova odluka stupa na snagu danom donošenja i bit će objavljena u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

Broj: 01-23-3672
Dana, 28.2.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 110. Zakona o prostornom uređenju ("Službeni list SR BiH", broj 9/87; 23/88; 24/89; 10/90; 14/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići, na svojoj 12. sjednici održanoj 28.2.2001. godine, donijelo je

ODLUKU

o provođenju izmjene Urbanističkog plana grada Zavidovići

Član 1.

Odlukom o provođenju Odluke o izmjenama Urbanističkog plana utvrđuju se granice obuhvata područja nove zone individualnog stanovanja, a radi usklađivanja potreba stanovništva za stanovanjem, skladnog razvoja svih dijelova naselja grada Zavidovića, i to kako slijedi: Namjena se mijenja na površini definisanoj granicom koja počinje na tromedi k.č. broj: 1753; 1671/2; 1670/1 i odatle u pravcu zapada ide međom k.č. broj: 1671/2; 1674; 1675 sa jedne strane i k.č. broj: 1670/1 sa druge strane. Granična linija tu izbija na vodni pojas označen sa k.č. broj: 1580/1. Granica odatle ide vodnim pojasom uzvodno uz rijeku Bosnu, a na ušću Gostovića u Bosnu nastavlja uzvodno pojasom uz rijeku Gostović sve do prvog mosta na rijeci Gostović. Pravolinijskim spajanjem tačke na desnoj strani mosta i tačke odakle je krenuo opis granice

Član 2.

Zadužuje se nadležna služba u Općini da u grafičkom prilogu urbanističkog plana izvrši izmjenу u skladu sa članom 1. ove odluke.

Član 3.

Ova odluka stupa na snagu danom donošenja i bit će objavljena u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-23-3671
Dana, 28.2.2001.godine

Fuad Berberović, s.r.

Na osnovu člana 35.a u vezi sa članom 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 12. sjednici od 28.2.2001.godine, 2001.godine, donijelo je

O D L U K U

o raspisivanju izbora za savjete mjesnih zajednica

Član 1.

Zakazuju se zborovi građana i raspisuju izbori za savjete mjesnih zajednica na području općine Zavidovići, koji će se održati dana 17.3.2001.godine (SUBOTA) u slijedećim mjesnim zajednicama:

1. Dubravica,
2. Donji Gostović,
3. Maoča

Član 2.

U slučaju da zborovi građana i izbori za članove savjeta mjesnih zajednica za pojedine mjesne zajednice na budu održani iz objektivnih razloga, radno predsjedništvo za sprovođenje izbora u toj mjesnoj zajednici utvrdit će novi termin održavanja zbora građana i izbora, a najkasnije u roku od 15 dana od posljednjeg dana iz prethodnog člana.

Član 3.

Gradani koji žive na području mjesne zajednice, a koji imaju opće biračko pravo, na zboru građana biraju članove savjeta mjesne zajednice javnim glasanjem.

Član 4.

Satnicu i mjesto održavanja zborova građana utvrdit će Radno predsjedništvo za sprovođenje izbora.

Član 5.

Općinsko vijeće će rješenjem imenovati članove radnog predsjedništva za sprovođenje izbora u mjesnoj zajednici.

Član 6.

Ova odluka stupa na snagu danom donošenja, a objavit će se u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSEDavajući
OPĆINSKOG VIJEĆA

Broj: 01-05-516
Datum: 28.2.2001.godine

Fuat Berberović

Na osnovu člana 1. Odluke o kriterijima za finansiranje rada mjesnih zajednica na području općine Zavidovići i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 12.sjednici od 28.02.2001. godine, donijelo je:

O D L U K U

o rasporedu sredstava za redovnu djelatnost mjesnih zajednica u 2001. godini

Član 1.

Odlukom o rasporedu sredstava za redovnu djelatnost mjesnih zajednica u 2001. godini (u daljem tekstu Odluka) utvrđuju se ukupna sredstva za rad mjesnih zajednica u 2001. godini.

Ukupna sredstva u 2001. godini utvrđuju se u iznosu od 73.290 KM

Član 2.

Visina sredstava iz prethodnog člana raspoređuje se mjesnim zajednicama tako što svakoj mjesnoj zajednici pripada 30% sredstava linearno, a 70% sredstava pripada mjesnoj zajednici prema broju stanovnika.

Raspored sredstava na osnovu elemenata iz prethodnog stava po mjesnim zajednicama sastavni je dio ove Odluke.

Član 3.

Iz raspoređenih sredstava mjesne zajednice finansiraju plaće zaposlenih u mjesnoj zajednici i materijalne troškove mjesne zajednice (struja, telefon, kancelarijski materijal, komunalne usluge i sl.)

Sredstva za ove namjene doznačavat će se na osnovu finansijskog plana svake mjesne zajednice i izvještaja o realizaciji istog, za prethodni kvartal.

Član 4.

Ukoliko u Budžetu općine Zavidovići za 2001. godinu prihodi budu manji od planiranih, raspored sredstava mjesnim zajednicama bit će umanjen srazmjerno procentu neostvarenih planiranih prihoda Budžeta općine Zavidovići za 2001. godinu.

- 32 -

Član 5.

Mjesnim zajednicama doznačivat će se sredstva shodno načinu i postupku u skladu sa ovom Odlukom i Odlukom o izvršenju Budžeta općine Zavidovići za 2001. godinu.

Član 6.

Ova Odluka stupa na snagu prvog narednog dana od dana objavljivanja u Službenom glasniku općine Zavidovići, a primjenjivat će se od 01.01.2001. godine.

OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-540
Datum: 28.02.2001.godine

Fuad Berberović, s.r.

RASPORED SREDSTAVA MJESNIM ZAJEDNICAMA

1. MJESNA ZAJEDNICA "ASIM ČAMDŽIĆ"	
- linearno.....	1.293,35 KM
- po broju stanovnika.....	<u>5.348,00 KM</u>
	6.641,35 KM
2. MJESNA ZAJEDNICA "KLEK"	
- linearno	1.293,35 KM
- po broju stanovnika	<u>5.739,00 KM</u>
	7.032,35 KM
3. MJESNA ZAJEDNICA "BRANIOCI GRADA"	
- linearno.....	1.293,35 KM
- po broju stanovnika.....	<u>5.852,00 KM</u>
	7.145,35 KM
4. MJESNA ZAJEDNICA "DUBRAVICA"	
- linearno.....	1.293,35 KM
- po broju stanovnika.....	<u>1.276,00 KM</u>
	2.569,35 KM

5. MJESNA ZAJEDNICA "DOLINA-ALIĆI"
 - linearno1. 293, 35 KM
 - po broju stanovnika.....1. 329, 00 KM
 - 2. 622, 35 KM

6. MJESNA ZAJEDNICA "VINIŠTE"
 - linearno.....
 - po broju stanovnika.....

7. MJESNA ZAJEDNICA "PAŠIN KONAK"
 - linearno.....1. 293, 35 KM
 - po broju stanovnika.....3. 776, 00KM
 - 5. 069, 35 KM

8. MJESNA ZAJEDNICA "MEČEVIĆI"
 - linearno.....1. 293, 35 KM
 - po broju stanovnika.....1. 618,00 KM
 - 2. 911, 35 KM

9. MJESNA ZAJEDNICA "VOZUĆA"
 - linearno.....1. 293, 35 KM
 - po broju stanovnika.....5. 379, 00 KM
 - 6. 672, 35 KM

10. MJESNA ZAJEDNICA "RIBNICA"
 - linearno.....1. 293, 35 KM
 - po broju stanovnika 1. 895,00 KM
 - 3. 188,35 KM

11. MJESNA ZAJEDNICA "MAOČA"
 - linearno.....1. 293, 35 KM
 - po broju stanovnika..... 573,00 KM
 - 1. 866,35 KM

12. MJESNA ZAJEDNICA "RUJNICA"
 - linearno1. 293, 35 KM
 - po broju stanovnika 3. 204, 00 KM
 - 4. 497, 35 KM

13. MJESNA ZAJEDNICA "KOVAČI"
 - linearno1. 293, 35 KM
 - po broju stanovnika.....4. 800, 00 KM
 - 6. 093, 35 KM

14. MJESNA ZAJEDNICA "BREZIK"	
- linearno.....	1. 293, 35 KM
- po broju stanovnika.....	<u>2. 219. 00 KM</u>
	3. 512, 35 KM
15. MJESNA ZAJEDNICA "KRIVAJA-SMAJLBAŠIĆI"	
- linearno.....	1. 293, 35 KM
- po broju stanovnika.....	<u>1. 445. 00 KM</u>
	2. 738, 35 KM
16. MJESNA ZAJEDNICA "GOSTOVIĆ"	
- linearno.....	1. 293, 35 KM
- po broju stanovnika.....	<u>3. 347,05 KM</u>
	4. 640,40 KM
17. MJESNA ZAJEDNICA "DONJI GOSTOVIĆ"	
- linearno.....	1.293, 35 KM
- po broju stanovnika..	<u>1.741,00 KM</u>
	3.034,35 KM
18. MJESNA ZAJEDNICA "LOVNICA"	
- linearno.....	1. 293, 35 KM
- po broju stanovnika.....	<u>1. 762. 00 KM</u>
	3. 055, 35 KM

REKAPITULACIJA

1. MZ "ASIM ČAMDŽIĆ"	6.641,35 KM
2. MZ "KLEK"	7.032,35 KM
3. MZ "BRANIOCI GRADA"	7.145,35 KM
4. MZ "DUBRAVICA"	2.569,35 KM
5. MZ "DOLINA-ALIĆI"	2.622,35 KM
6. MZ "VINIŠTE"	-
7. MZ "PAŠIN KONAK"	5.069,35 KM
8. MZ "MEČEVIĆI"	2.911,35 KM
9. MZ "VOZUĆA"	6.672,35 KM
10. MZ "RIBNICA"	3.188,35 KM
11. MZ "MAOČA"	1.866,35 KM
12. MZ "RUJNICA"	4.497,35 KM
13. MZ "KOVAČI"	6.093,35 KM
14. MZ "BREZIK"	3.512,35 KM
15. MZ "KRIVAJA-SMAILBAŠIĆI"	2.738,35 KM
16. MZ "GOSTOVIĆ"	4.640,40 KM
17. MZ "DONJI GOSTOVIĆ"	3.034,35 KM
18. MZ "LOVNICA"	<u>3.055,35 KM</u>
UKUPNO:	<u>73.290,00 KM</u>

Na osnovu člana 37. stav 1. Zakona o lokalnoj samoupravi ("Službene novine Zeničko-dobojskog kantona" broj: 13/98) i člana 55. Statuta općine Zavidovići ("Službeni glasnik općine Zavidovići", broj 2/99), Općinsko vijeće Zavidovići na 12.sjednici održanoj 28.2.2001. godine, donijelo je:

O D L U K U

o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići

Član 1.

U Odluci o osnivanju, organizaciji i funkcionisanju mjesnih zajednica na području općine Zavidovići ("Službeni glasnik općine Zavidovići" broj: 5/99) član 2. stav 1. mijenja se i glasi:

"U općini Zavidovići osniva se osamnaest mjesnih zajednica".

U članu 2. , stavu 2. iza rednog broja 15. dodaju se redni brojevi 16., 17. i 18. koji glase:

- " 16. Mjesna zajednica Dubravica,
- 17. Mjesna zajednica Donji Gostović
- 18. Mjesna zajednica Maoča".

Član 2.

Član 3. mijenja se i glasi:

"Mjesna zajednica Branioci grada obuhvata ulice: Stjepana Radića, dio ulice Matije Gupca, Omladinsku, Sarajevsku, Travničku, Igmansku, Viniški put, Brdsku, Davulijski put, Zavidovički put, Maršala Tita, Radnička, Bosanska, Safvet Bega Bašagića, Podubravlje, Čumurana, Kulina Bana, Hasana Kjafile Pruščaka i Ajvaz Dedine.

Naseljena mjesta: Majdan, Gornje selo, Gradina, Džebe, Ridžali, Debelo brdo, Biljačić, Vrbica I i Vrbica II, Donji Lug i Brankovići".

Član 3.

Iza člana 3. dodaje se novi član 3 a. koji glasi:

"Član 3 a.

Mjesna zajednica Dubravica obuhvata naselja Dubravica, Borose, Grliće, Kremenjaše, Podgaj i Aliće, te slijedeće dijelove ulice: Matije Gubca, Dubravački put, Lovački put i Hasana Kikića.

Član 4.

Član 4. mijenja se i glasi:

"Granica mjesne zajednice Branioci grada, prema mjesnoj zajednici Dubravica je urbana granica grada prema naseljenom mjestu Dubravica, a prema općini Žepče i Maglaj granica je administrativna granica općina Maglaj, Zavidovići i Žepče, a prema mjesnoj zajednici Dolina-Alići granica ide od prvog podvožnjaka pruge Doboj-Zenica od kuće Smajić Dželila, granica se pruža putem do šume zv. "Liplje" i nastavlja se prema brdu zv. "Kokina voda", zatim se dalje pruža do Alićkog groblja, zatim putem nastavlja prema njivama zv. "Maoče" do potoka Babina rijeka, odakle je i počela, a granica prema mjesnim zajednicama "Asim Čamdžić" i "Klek" granica ide rijekom Bosnom do bivšeg Grginog mlina koji se nalazi ispod ušća rijeke Gostović u rijeku Bosnu".

Član 5.

Iza člana 4. dodaje se novi član 4 a. koji glasi:

"Član 4 a.

Granica Mjesne zajednice Dubravica polazi od bivšeg Grginog mlina na rijeci Bosni i ide zapadno sa granicom Mjesne zajednice Vinište, obuhvatajući "Stražaru 33" i zaseok Alići te potokom Lužnice do puta sa Džigera, zatim putem za Džigere do kraja Borove šume, pa se pored borove šume penje do puta po horizontu brda kroz borove. Putem ide do izvora Hadrovac pa potom potokom od vode Hadrovac prema Pravoslavnom groblju do granice urbanog dijela grada obuhvatajući dio Ulice Matije Gubca.

Odatle granice ide granicom urbanog dijela grada do ulice Hasana Kikića i ulicom Hasana Kikića silazi na rijeku Bosnu i uzvodno rijekom Bosnom ide do Grginom mlina odakle je i počela.

Član 6.

Član 8. mijenja se i glasi:

"Granice mjesne zajednice Vinište prema mjesnoj zajednici Dubravica opisane su u članu 5. ove Odluke, a u ostalom dijelu granice mjesne zajednice Vinište idu administrativnom granicom općina Žepče i Zavidovići".

Član 7.

Član 27. mijenja se i glasi:

"Mjesna zajednica Ribnica obuhvata sela i zaseoke: Ribnicu, Gornju Gosovicu, Donju Gosovicu, Nišani, Lađenik, Mujići, Čizme, Vračevac, Predražiće, Prisjeku i Spasojeviće".

- 37 -

Član 8.

Iza člana 27. dodaje se novi član 27 a. koji glasi:

"Član 27 a

Mjesna zajednica Maoča obuhvata sela i zaseoke: Maoča, Stipin Han, Gornja Dištica, Donja Dištica, Lazine, Ivanovići i Borkovica".

Član 9.

U članu 28. u tački 3. briše se riječ Olovo, a iza tačke 3. dodaje se tačka 4. koja glasi:

" 4 granica mjesne zajednice Ribnica prema mjesnoj zajednici Maoča opisane su u članu 10 ove odluke.

Član 10.

Iza člana 28. dodaje se novi član 28 a. koji glasi:

"Član 28 a.

Granice mjesne zajednice Maoča počinju od rijeke Krivaje na granici sa općinom Olovo i ide do kote 352 (Oglavak), zatim ide uz Malu Maoču do kote 490, a odatle na kotu 608, od te kote granica ide sjeverozapadno prema koti 708 (Velike Rudine) i niz Skočni potok granica ide prema rijeci Krivaja (Okuč), odakle granica ide preko Popovice (kota 607) i Rudina gdje granica izlazi na kotu 751(Gira), a odatle preko Osoja, Runješa i Bijelog bučja izlazi na kotu 950 što predstavlja granicu sa MZ Ribnica, a od kote 950 do granice sa Općinom Olovo graniči sa MZ Gostović.

Član 11.

Član 29. mjenja se i glasi:

"Mjesna zajednica Gostović obuhvata sela i zaseoke: Gostović, Bajvate, Beše, Žioke, Borovnicu, Šehiće, Kozlići, Čardak, Otežnja, Drakulići, Kućice, Bijeda, Lijevča, Mitrovići, Stojanovići, Kamenica, Priluk, Đurići, Božičkovići, Novakovići, Sinanovići, Tribići, Velići, Grabovica, Lug, Mrđani, Mahoje, Brdo, Volujak, Potok, Oštrić i Vukmanovići".

Član 12.

Iza člana 29. dodaje se novi član 29 a koji glasi:

"Član 29 a

Mjesna zajednica Donji Gostović obuhvata sela i zaseoke: Poljice, Petkoviće, Prnjavor, Fojnica, Paravci, Marušići i Dedići.

Granica Mjesne zajednice Donji Gostović počinje od releja na Kleku, zatim ide prema rijeci Gostović, Petkovićim potokom do njegovog ušća u rijeku Gostović, što predstavlja granicu sa Mjesnom zajednicom "Klek" . Od ušća Petkovićkog potoka uzvodno rijekom Gostović granica ide do izvora Mihaljovac što predstavlja granicu sa Mjesnom zajednicom Lovnica. Od izvora Mihaljevaca granica skreće prema brdu Šajtovac i brdom Šajtovac dolazi do planine "Klek" na kotu 746 i predstavlja granicu sa Mjesnom zajednicom Gostović. Granica od kote 746 ide gredom planine "Klek" gdje se graniči Mjesnom zajednicom Kovači i dolazi do releja na "Kleku" (kota 635) odatle je i počela.

Član 13.

Član 30. mijenja se i glasi:

"Granice mjesne zajednice Gostović prema mjesnoj zajednici Vozuća, Ribnica, Brezik, Kovači i mjesnoj zajednici Klek opisane su u članovima: 26. stav 2. , 28. stav 2., 22. stav 3., članu 10. stav 2., članu 20. stav 3., a granice te mjesne zajednice prema mjesnoj zajednici Donji Gostović opisane su u članu 12. , a prema mjesnoj zajednici Lovnica granica ide južno između sela Kućica i Martića do Visoke glavice odakle se nastavlja do administrativne granice općina Zavidovići i Žepče, a sa istočne i južne strane graniči sa općinama Vareš i Kakanj".

Član 14.

Član 32. mijenja se i glasi:

" Granice mjesne zajednice Lovnica su prema mjesnoj zajednici Klek opisane članu 10. ove Odluke, prema mjesnoj zajednici Gostović u članu 13. ove Odluke, a prema mjesnoj zajednici Donji Gostović opisane su u članu 29 a. , a sa jugozapada graniči se sa administrativnim granicama općina Zavidovići i Žepče".

Član 15.

U članu 33. stav 1. iza tačke 13. dodaju se tačke 14., 15. i 16. koje glase:

- " 14. za mjesnu zajednicu Dubravica u mjesnom domu,
- 15. za mjesnu zajednicu Maoča u mjesnom domu,
- 16. za mjesnu zajednicu Donji Gostović u područnoj školi u Poljicama".

Član 16.

Ova Odluka stupa na snagu od prvoga narednoga dana od dana objavljivanja u Službenom glasniku općine Zavidovići.

OPĆINA ZAVIDOVIĆI
OPĆINSKO VIJEĆE

Broj: 01-05-541
Datum: 28.2.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 49., 67. i 73. Zakona o građevinskom zemljištu ("Službeni list SR BiH", broj 34/86, 1/90 i 29/90 i "Službeni list R BiH", broj:3/93) i člana 55 Statuta Općine Zavidovići ("Službeni glasnik Općine Zavidovići", broj: 2/99), Općinsko vijeće Zavidovići na 12. sjednici održanoj 28.02.2001. godine, donijelo je

O D L U K U

o izmjeni i dopuni Odluke o građevinskom zemljištu

Član 1.

U Odluci o građevinskom zemljištu ("Službeni glasnik Općine Zavidovići", broj: 11/89, 2/97, 1/98 i 2/00), iza člana 25. dodaju se novi članovi 25. a. i 25.b.koji glase:

"Član 25. a.

Prednost pri dodjeli zemljišta radi građenja porodične stambene zgrade pri istim uslovima. imaju ratni vojni invalidi, članovi uže porodice poginulog vojnika i policajca, a demobilisani vojnici i policajci pod uslovom da su bili pripadnici vojske ili policije najmanje dvije godine.

Članovi uže porodice poginulog vojnika ili policajca u smislu predhodnog stava su: otac i majka poginulog, supruga poginulog i djeca poginulog (rođena u braku, van braka, usvojena).

Lica iz stava 1. i 2. ovog člana imaju prednost pod uslovom da podnosilac zahjeva za dodjelu zemljišta nema zemljište za izgradnju porodične stambene zgrade, nema u svojini ili susvojini porodičnu stambenu zgradu, nije stekao pravo na otkup stana na kojem postoji stanarsko pravo i da su navedena lica imala prebivalište na području općine Zavidovići na dan 31.03.1991. godine.

Licem bez imovine u smislu stava 3. ovog člana neće se smatrati podnosilac zahtjeva ili član njegovog porodičnog domaćinstva koji je prije ili poslije objavljivanja konkursa za dodjelu neizgrađenog gradskog građevinskog zemljišta na bilo koji način otudio svoju nepokretnu imovinu na bilo koje lice.

Lica iz stava jedan i dva ovog člana za dodjeljeno zemljište za izgradnju porodične stambene zgrade oslobađaju se plaćanja naknade za dodijeljeno zemljište, naknade za pogodnost zemljišta (renta) i naknade za uređenje zemljišta, pod uslovima iz stava 3. ovog člana.

Lica iz stava 1. i 2. ovog člana nemaju pravo otuđenja izgrađenje nekretnine u roku od 5 godina nakon izgradnje porodične stambene zgrade.

Ukoliko lica iz stava 1. i 2. ovog člana otude izgrađenu nekretninu ili nekretninu koja je u izgradnji prije roka iz predhodnog stava, dužni su općini platiti sve naknade za dodijeljeno gradsko građevinsko zemljište koje važe na dan otuđenja nekretnine".

“Član 25.b.

Naknade za dodijeljeno gradsko građevinsko zemljište radi građenja i naknade za pogodnost (renta). oslobađaju se i vjerske zajednice u svrhu izgradnje vjerskih objekata.”

Član 2.

Iza člana 37. dodaje se novi član 37.a. koji glasi:

“Član 37.a.

Izuzetno, Općinsko vijeće može donijeti odluku da se iz posjeda ranijeg vlasnika izuzme gradsko građevinsko zemljište najviše do 200 m², ako se u toku izgradnje objekta za koji je utvrđen opći interes utvrdi da ekspropisano zemljište nije dovoljno za dovršetak započetog objekta.

U slučaju iz predhodnog stava, ranijem vlasniku će se neposrednom pogodbom dodijeliti drugo zemljište u zamjenu koje može biti predmet dodjele, a koje se nalazi u istoj katastarskoj općini, ukoliko površina koja se po planu parcelacije daje u zamjenu ranijem vlasniku prelazi površinu izuzetog zemljišta”.

Član 3.

Ova odluka stupa na snagu prvog narednog dana od dana objavljivanja u “Službenom glasniku Općine Zavidovići”.

**OPĆINA ZAVIDOVIĆI
- OPĆINSKO VIJEĆE -**

Broj: 01-05-489
Datum. 28.02.2001. godine

**PREDSJEDAVAJUĆI
OPĆINSKOG VIJEĆA**

Fuad Berberović, s.r.

Na osnovu člana 12. Zakona o javnom redu i miru («Službene novine ZE-DO kantona broj 8/2000») i člana 55. Statuta općine Zavidovići («Službeni glasnik općine Zavidovići», broj 2 99) Općinsko vijeće Zavidovići na 12. sjednici, od 28.2. 2001. godine , donijelo je

O D L U K U

o javnom redu i miru

I – UVODNE NAPOMENE

Član 1.

Pored prekršaja javnog reda i mira propisanih Zakonom o javnom redu i miru («Službene novine ZE-DO kantona br. 8/2000) ovom Odlukom propisuje se i drugi prekršaji protiv javnog reda i mira, kao i prekršajne sankcije.

Član 2.

Pod javnim mjestom u smislu ove Odluke podrazumijeva se mjesto na koje je slobodan pristup pojedinačno neodređenim licima bez uvjeta ili pod određenim uvjetima.

Član 3.

Prekršaj javnog reda i mira u skladu sa odredbama ove Odluke čini:

1. ko nosi i upotrebljava predmete i naprave u vidu prački ili sličnih sredstava kojima se ugrožava bezbjednost drugih lica i imovine,
2. ko drži ili vodi opasne životinje , a pri tome ne preduzima potrebne mjere zaštite utvrđene ovom odlukom.
3. ko neovlašteno ulazi u ograđeni prostor i prostorije preduzeća, drugih pravnih lica, odnosno vršilaca samostalne djelatnosti na način koji je suprotan pravilima njihove unutrašnje organizacije rada,
4. ko na javnim mjestima gdje se stvaraju redovi građana kao što su šalteri, javne blagajne , sredstva javnog prijevoza itd. stvara nered na način da ide preko utvrđenog reda , onemogućava invalidima i očigledno trudnim ženama prioritet u dolasku na red, ili na drugi način svojim ponašanjem pravi nered na takvim mjestima.

Na osnovu člana 12. Zakona o javnom redu i miru («Službene novine ZE-DO kantona broj 8/2000») i člana 55. Statuta općine Zavidovići («Službeni glasnik općine Zavidovići», broj 2/99) Općinsko vijeće Zavidovići na 12. sjednici, od 28.2. 2001. godine, donijelo je

ODLUKU

o javnom redu i miru

I – UVODNE NAPOMENE

Član 1.

Pored prekršaja javnog reda i mira propisanih Zakonom o javnom redu i miru («Službene novine ZE-DO kantona br. 8/2000) ovom Odlukom propisuje se i drugi prekršaji protiv javnog reda i mira, kao i prekršajne sankcije.

Član 2.

Pod javnim mjestom u smislu ove Odluke podrazumijeva se mjesto na koje je slobodan pristup pojedinačno neodređenim licima bez uvjeta ili pod određenim uvjetima.

Član 3.

Prekršaj javnog reda i mira u skladu sa odredbama ove Odluke čini:

1. ko nosi i upotrebljava predmete i naprave u vidu prački ili sličnih sredstava kojima se ugrožava bezbjednost drugih lica i imovine,
2. ko drži ili vodi opasne životinje, a pri tome ne preduzima potrebne mjere zaštite utvrđene ovom odlukom,
3. ko neovlašteno ulazi u ograđeni prostor i prostorije preduzeća, drugih pravnih lica, odnosno vršilaca samostalne djelatnosti na način koji je suprotan pravilima njihove unutrašnje organizacije rada,
4. ko na javnim mjestima gdje se stvaraju redovi građana kao što su šalteri, javne blagajne, sredstva javnog prijevoza itd. stvara nered na način da ide preko utvrđenog reda, onemogućava invalidima i očigledno trudnim ženama prioritet u dolasku na red, ili na drugi način svojim ponašanjem pravi nered na takvim mjestima.

5. ko pisanjem , crtanjem ili na drugi način oštećuje poslovne, stambene ili druge objekte ili iste koristi mimo njihove osnovne namjene,
6. ko na javnim manifestacijama ili drugim priredbama pogodnim sredstvima ili predmetima stvara buku koja ometa posjetioce ili izvođače programa da normalno izvode i prate program.
7. ko u naseljenom mjestu u vremenu od 13,00 do 16,00 i od 22,00 do 07,00 sati i u dane državnih praznika cijeli dan stvara buku, upotrebom motorne pile ili na drugi način upotrebom sredstava koja stvaraju buku, remeteći mir drugim građanima,
8. ko se na javnim plažama i drugim mjestima kupa bez odjeće ili ponaša na način koji uznemirava odnosno izaziva negodovanje drugih lica,
9. ko u zatvorenom prostoru ili izvan zatvorenog prostora u naseljenom mjestu bez odobrenja koristi naprave za pojačanje zvuka ili muzičkih uređaja u koma su takve naprave ugrađene i čine jednu cjelinu, a imaju snagu da reprodukuju zvuk odnosno muziku jačine preko zakonom dozvoljene jačine zvuka u decibelima (u daljem tekstu naprave za pojačanje zvuka),
10. ko upotrebom naprave za pojačanje zvuka proizvodi veću buku od propisane u posebnom odobrenju izdatom za izuzetne slučajeve (javni koncerti, manifestacije, vašari i sl),
11. ko sa balkona zgrada vrši bacanje smeća ili drugih predmeta ili takve stvari , predmete odlaže i baca mimo mjesta predviđenog za odlaganje (kontejner i slično),
12. ko nakon rezanja drveta ili obavljanja drugih radova ostavi smeće na mjestu gdje su radovi vršeni odnosno isto ne odveze i deponuje na za to predviđeno mjesto,
13. prskanje prolaznika vodom prilikom pranja ulica, pločnika, dvorišta i zalijevanjem vrtova i travnjaka,
14. bacanjem na prolaznike i automobile leda i snijega savijenog u grudve, bacanje kamenja ili drugih predmeta kao i bacanje iz zgrada ili ogradenih prostora predmeta ili prosipanje tekućine na prolaznike,

15. postupanje sa životinjama na način koji izaziva uznemiravanje i negodovanje građana,
16. držanje životinja u naseljenom mjestu koje remete noćni mir građana,
17. uznemiravanje građana upotrebom zvona, kucanjem ili udaranjem na vrata stana bez potrebe, radi prodaje robe ili pružanja usluga kod roba ili usluga koje nisu ugovorene ili naručene,
18. kačenje, penjanje, iskakanje i izlaženje iz sredstava javnog prevoza u pokretu,
19. neovlašteno izvođenje radova na električnim i telefonskim mrežama u stambenim zgradama, za čije je izvođenje potrebno odobrenje i saglasnost nadležnog organa,
20. unošenje alkoholnih pića od strane posjetilaca u stacionirane ustanove i sportske objekte za vrijeme održavanja sportskih i kulturnih manifestacija, a naročito zabrana konzumiranja alkoholnih pića ispred prodavnica.

Član 4.

Odobrenje iz člana 3. tačke 10. ove odluke izdaje Služba za upravu privrednih djelatnosti uz pribavljeno mišljenje Policijske uprave Zavidovići.

Član 5.

Odobrenje iz prethodnog člana izdaje se sa ograničenim rokom važnosti.
Odobrenje iz prethodnog člana sadrži: vrijeme korištenja naprave za pojačavanje zvuka izraženo u decibelima.

Član 6.

Općinska inspekcija Službe za upravu privrednih djelatnosti rješenjem će zabraniti korištenje naprava za pojačavanje zvuka u slučaju da se isti koriste suprotno uslovima i na način koji je propisan u odobrenju.

Član 7.

Zahtjev za pokretanje prekršajnog postupka za prekršaje propisane ovom odlukom mogu podnositi nadležna općinska inspekcija i ovlaštena službena lica Policijske uprave Zavidovići.

KAZNENE ODREDBE

Član 8.

Novčanom kaznom od 50,00 do 1500,00 KM. kaznit će pravno lice, imalac radnje odnosno vršioc samostalne djelatnosti za prekršaj iz čl. 3. tač. 5, 9, 10, 11 i 12. ove odluke.

Novčanom kaznom od 50,00 do 800,00 KM. kaznit će se odgovorno lice u pravnom licu ako postupa suprotno odredbi člana 3. tačke 5, 9, 10, 11 i 12. ove odluke.

Član 9.

Novčanom kaznom od 10,00 do 200,00 KM. kaznit će se fizičko lice za prekršaj iz člana 3. tačke 1, 2, 3, 4, 5, 6, 13, 14, 15, 16, 17, 18, 19 i 20. ove odluke.

Član 10.

Novčanom kaznom u iznosu od 50,00 do 200,00 KM. kaznit će se fizičko lice za prekršaj iz tačke 7, 8, 9, 10, 11 i 12. člana 3. ove odluke .

III- PRIJELAZNE I ZAVRŠNE ODREDBE

Član 11.

Pod preduzimanjem potrebnih mjera u smislu člana 3. tačke 2. ove odluke podrazumijeva se vezanje, ograđivanje životinja ili stavljanje odgovarajućih zaštitnih sredstava.

Član 12.

Za prekršaje javnog reda i mira propisane ovom odlukom kaznit će se roditelj, usvojilac, staratelj, odnosno zakonski zastupnik ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su vršiti takav nadzor.

Član 13.

Pod imaoem radnje odnosno vršiocem samostalne djelatnosti u smislu ove odluke smatra se fizičko lice koje obavlja neku od zakonom dozvoljenih i registrovanih djelatnosti.

- 45 -

Član 14.

Ova odluka stupa na pravnu snagu narednog dana od dana objavljivanja u Službenom glasniku općine Zavidovići.

Član 15.

Stupanjem na snagu ove odluke prestaje važi Odluka o javnom redu i miru koju je donijelo Općinsko vijeće Zavidovići na 27. sjednici održanoj 25.2.2000.godine, objavljena u « Službenom glasniku općine Zavidovići » br.2/2000.

OPĆINA ZAVIDOVIĆI
OPĆINSKO VIJEĆE

Broj: 01-05-480
Datum, 28.02.2001.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 55. Statuta Općine Zavidovići ("Službeni glasnik Općine Zavidovići", broj: 2/99) i člana 33. i 34. Poslovnika Općinskog vijeća Zavidovići ("Službeni glasnik Općine Zavidovići", broj: 9/97 i 3/98, Općinskog vijeće Zavidovići na 12. sjednici održanoj 28.2.2001. godine donio je

R J E Š E N J E

o razrješenju člana Komisije za izbor i imenovanja

I

ŠIMŠIĆ DRAGAN iz Zavidovića, razrješava se dužnosti člana Komisije za izbor i imenovanja Općinskog vijeća Zavidovići. -

II

Ovo rješenje stupa na snagu danom donošenja, a naknadno će se obj. "Službenom glasniku Općine Zavidovići".

OPĆINA ZAVIDOVIĆI
- OPĆINSKO VIJEĆE -

Broj: 01-05-199
Datum, 28.2.2001. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 55. Statuta Općine Zavidovići ("Službeni glasnik Općine Zavidovići", broj: 2/99) i člana 33. i 34. Poslovnika Općinskog vijeća Zavidovići ("Službeni glasnik Općine Zavidovići", broj: 9/97 i 3/98), Općinskog vijeće Zavidovići na 12. sjednici održanoj 28.2.2001. godine donio je

R J E Š E N J E

o imenovanju člana Komisije za izbor i imenovanja

I

FUAD BERBEROVIĆ iz Zavidovića, imenuje se člana Komisije za izbor i imenovanja Općinskog vijeća Zavidovići.

II

Ovo rješenje stupa na snagu danom donošenja, a naknadno će se objaviti u "Službenom glasniku Općine Zavidovići".

OPĆINA ZAVIDOVIĆI
- OPĆINSKO VIJEĆE -

Broj: 01-05-199
Datum, 28.2.2001. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

II – AKTI OPĆINSKOG NAČELNIKA

Na osnovu člana 63. stav 2. Zakona o upravi Federacije Bosne i Hercegovine ("Službene novine FBiH", broj 28/97), člana 72. stav 1. Statuta općine Zavidovići ("Službeni glasnik općine Zavidovići", broj 2/99), Općinski načelnik Zavidovići dana 5.2.2001.godine, donio je

RJEŠENJE

**o razrješenju Pomoćnika načelnika u Službi za upravu
geodetskih i imovinsko-pravnih poslova**

I

MUHAMED ŠIBONJIĆ, dipl.pravnik iz Zavidovića, razrješava se sa dužnosti Pomoćnika načelnika pomoćnik načelnika u Službi za upravu geodetskih i imovinsko-pravnih poslova sa danom 05.02.2001.godine.

II

Rješenje se donosi na lični zahtjev, a zbog odlaska na drugu dužnost.

III

Ovo rješenje stupa na snagu danom donošenja, a naknadno će se objaviti u "Službenom glasniku općine Zavidovići".

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš.. s r

Broj: 01/1-34-300/01
Datum, 05.02.2001.godine

S A D R Ź A J**I – AKTI OPĆINSKOG VIJEĆA**

1. ODLUKA o izmjenama Urbanističkog plana grada Zavidovića	26
2. ODLUKA o provođenju izmjene Urbanističkog plana grada Zavidovića	27
3. ODLUKA o izmjenama Urbanističkog plana grada Zavidovića	28
4. ODLUKA o provođenju izmjene Urbanističkog plana grada Zavidovića	29
5. ODLUKA o raspisivanju izbora za savjete mjesnih zajednica	30
6. ODLUKA o rasporedu sredstava za redovnu djelatnost mjesnih zajednica u 2001.godini	31
7. ODLUKA o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići	35
8. ODLUKA o izmjeni i dopuni Odluke o građevinskom zemljištu	39
9. ODLUKA o javnom redu i miru	41
10. RJEŠENJE o razrješenju člana Komisije za izbor i imenovanja	46
11. RJEŠENJE o imenovanju člana Komisije za izbor i imenovanja	47

II – AKTI OPĆINSKOG NAČELNIKA

1. RJEŠENJE o razrješenju Pomoćnika načelnika u Službi za upravu geodetskih i imovinsko-pravnih poslova	48
--	----